

Txhua Yam Rau Cov Me Nyuam

Ib Tsab Ntawv Xov Xwm Rau Tsev Neeg Ntawm Qhov Kev Pab Cuam Txhawb Nqa Cov Me Nyuam Mus Ntev (CLTS)

Txhua Yam Rau Cov Me Nyuam:
Qhov kev pab cuam CLTS yog ib tsab
ntawv xov xwm uas pab qhia rau koj
thiab koj tsev neeg paub txog Qhov
kev pab cuam CLTS. Tsab ntawv xov
xwm no yog luam tawm los ntawm
Wisconsin Lub Tsev Hauj Lwm Saib
Xyuas Kev Noj Qab Haus Huv (DHS).



Tsev neeg ua tus yam ntxwv: Iver cov kauj ruam loj mus tom ntej

Ntsib Iver, ib tug me nyuam yaus ntse thiab txiav txim siab los
ntawm Nroog Brown uas tau koom nrog Qhov kev pab cuam CLTS
thaum pib xyoo no. Txij li thaum tau rau npe thaum pib xyoo 2025,
Iver tau loj hlob hauv lub zog, kev ntseeg siab, thiab kev ywj siab,
tag nrho nrog kev pab ntawm nws pab neeg saib xyuas uas mob
siab rau thiab cov kev kho mob uas txhawb nqa.

Thaum muaj hnuv nyoog 18 hli, Iver nyuam qhuav pib sawv thiab
tseem tsis tau ua nws thawj kauj ruam. Tsawg dua ib xyoo tom qab,
nws tsis yog tsuas yog taug kev, nws tab tom khiav!

“Nws txoj kev ntseeg siab hauv nws lub peev xwm tab tom loj hlob,
thiab ua ib leej niam txiv nws yog ib qho zoo kawg nkaus uas tau
pom,” nws niam, Jessie Paque, qhia.

Cov ntaub ntawv qhia paub muab rau hauv tsab
ntawv xov xwm no yog luam tawm raws li Social
Security § 1915(c) thiab 42 C.F.R. § 440.180.

Siv ob qho tib si Kev Pab Kho Mob (Medicaid) thiab kev tuav ntawv pov hwm ntiag tug, lver tab tom ua tau zoo heev los ntawm kev kho mob lub cev, qhov chaw uas nws tau siv zog ua hauj lwm rau lub zog thiab kev sib npaug. Qhov kev pab cuam CLTS ntxiv rau qhov kev saib xyuas ntawv nrog kev kho mob siv nees, ib qho kev pab tshwj xeeb uas siv kev caij nees los tsim kom muaj kev txawj ntse ntawm lub cev, lub cev sawv ntsug, thiab kev sib koom tes. Lub caij nplooj zeeg no, lver tsev neeg kuj tseem yuav ntxiv kev kho mob hauv dej rau nws cov hauj lwm niaj hnub kom muaj sij hawm loj hlob ntxiv.

Ua ke, cov kev kho mob no pab lver tsim tsis yog tsuas yog kev txawj ntse ntawm lub cev, tab sis kuj yog kev ntseeg tus kheej. Nws cov kev kho mob pab nws tshawb nrhiav tej qhov chaw tshiab thiab cia nws txaus siab ua ib tug me nyuam.

“Peb zoo siab ua tsaug ntau rau lver pab neeg saib xyuas thiab Qhov kev pab cuam CLTS uas ua rau nws qhov kev kho mob siv nees muaj peev xwm ua tau,” Jessie hais. ❖



Iver ua cov kauj ruam loj thaum lub sij hawm kho mob lub cev, siv zog ua hauj lwm los tsim kom muaj lub zog thiab kev ruaj khov.



Thaum kho mob siv nees, lver xyaum hla cov kev txav ntawm kab nruab nrab, tsim kom muaj kev sib koom tes thaum caij nws tus nees kho mob.

Cov ntaub ntawv qhia paub muab rau hauv tsab ntawv xov xwm no yog luam tawm raws li Social Security § 1915(c) thiab 42 C.F.R. § 440.180.

Qhov kev pab cuam CLTS xav tau koj tsev neeg cov dab neeg thiab cov duab!

Tsab ntawv xov xwm Txhua Yam Rau Cov Me Nyuam yog rau cov tsev neeg. Peb xav muab koj cov duab thiab kev paub dhau los tso tawm kom lwm tus neeg nyeem tau txaus siab! Koj tuaj yeem qhia tej yam xws li:

- Ib qho kev sib cuam tshuam zoo nrog Qhov kev pab cuam CLTS.
- Ib qho piv txwv ntawm Qhov kev pab cuam CLTS tau pab koj tsev neeg lossis me nyuam li cas.
- Ib daim duab los sis ib zaj dab neeg ntawm ib qho hauj lwm uas koj tau ua nrog koj tus me nyuam.
- Ib daim duab ntawm tej duab kos los yog lwm yam uas koj tus me nyuam tau ua.

Email koj tsev neeg zaj dab neeg los sis duab mus rau dhsccls@wisconsin.gov nrog “Txhua Yam Rau Cov Me Nyuam” nyob rau hauv kab npe. Koj kuj tuaj yeem xa cov tswv yim rau cov dab neeg uas koj xav nyeem hauv tsab ntawv xov xwm. Peb tos ntsoov yuav hnov los ntawm koj! ❖

DHS pib npaj txoj kev rov ua dua tshiab ntawm nws daim ntawv tso cai rau Qhov Kev Pab Cuam Tso Cai Cov Me Nyuam Mus Ntev

DHS tab tom pib txheej txheem rov ua dua tshiab daim ntawv tso cai rau Qhov kev pab cuam CLTS rau 2027-2031. Daim ntawv tso cai yog yam uas ua rau Qhov kev pab cuam CLTS muaj peev xwm ua tau. Daim ntawv tso cai rau Qhov kev pab cuam CLTS piav qhia tias qhov kev pab cuam ua hauj lwm li cas, suav nrog leej twg tsim nyog, muaj cov kev pab dab tsi, thiab cov tsev neeg tuaj yeem coj lawv tus kheej cov kev pab li cas. Txheej txheem no suav nrog DHS sau ib daim ntawv thov kev pab rau peb tus koom ua ke nyob rau theem tsoom fww uas qhia meej txog kev tsim nyog thiab cov kev pab uas them los ntawm Qhov kev pab cuam CLTS. Tsoom fww teb chaws yuav tsum tshuaj xyuas thiab pom zoo rau daim ntawv thov kev pab tso cai rau Qhov kev pab cuam CLTS txhua 5 xyoos. Kev rov ua dua tshiab daim ntawv tso cai rau Qhov kev pab cuam CLTS muab sij hawm rau DHS los tshuaj xyuas thiab txhim kho qhov kev pab cuam.

Txheej txheem rov ua dua tshiab daim ntawv tso cai rau Qhov kev pab cuam CLTS ua hauj lwm li cas

Ua ntej, DHS thov cov lus taw qhia txog Qhov kev pab cuam CLTS los ntawm cov tsev neeg, cov neeg koom nrog qhov kev pab cuam, cov nroog, cov koom haum zej zog thiab tus pab tswv yim thiab cov chaw muab kev pab. DHS yuav siv cov lus taw qhia no los pab npaj rau tsib xyoos tom ntej thiab sau ib daim ntawv thov kev pab tso cai rau Qhov kev pab cuam CLTS tshiab. Tom ntej no, daim ntawv thov kev pab tsab yuav muab qhia rau pej xeem tawm tswv yim

Cov ntaub ntawv qhia paub muab rau hauv tsab ntawv xov xwm no yog luam tawm raws li Social Security § 1915(c) thiab 42 C.F.R. § 440.180.

nyob rau lub caij nplooj ntoos hlav 2026. Tom qab txiav txim siab txog cov tswv yim los ntawm pej xeem, DHS yuav xa daim ntawv thov kev pab zaum kawg rau kev pom zoo los ntawm tsoom fww thaum xyoo 2026 lig. Thaum ntawd tau txais kev pom zoo, daim ntawv tso cai tshiab rau Qhov kev pab cuam CLTS yuav pib rau lub Ib Hlis tim 1, 2027.

Cov hom phiaj rau kev rov ua dua tshiab daim ntawv tso cai rau Qhov kev pab cuam CLTS

DHS xav ua kom Qhov kev pab cuam CLTS zoo dua qub los ntawm kev tsom ntsoov rau:

- **Kev Ua Neej Zoo Sib Xws:** Tsim kom muaj ib qho kev paub dhau los ntawm Qhov kev pab cuam CLTS uas muaj txiaj ntsig zoo thiab ua neej zoo sib xws thoob plaws txhua lub nroog hauv Wisconsin.
- **Kev nkag mus raws access thiab kev sib koom tes ntawm cov kev pab:** Pab cov tsev neeg kom tau txais cov kev txhawb nqa thiab cov kev pab uas lawv xav tau, thaum lawv xav tau.
- **Kev Ua Tau Zoo:** Ua kom qhov kev pab cuam yooj yim to taub thiab siv rau cov neeg koom, cov chaw hauj lwm hauv nroog thiab cov chaw muab kev pab.

Koj tuaj yeem tawm tswv yim li cas:

DHS xav hnov los ntawm koj! Muaj ntau txoj hauv kev uas koj tuaj yeem koom nrog:

- **Xa cov tswv yim thiab kev xav mus rau** DHSCLTSWaiverRenewal@dhs.wisconsin.gov. Peb txais tos koj cov tswv yim txhua lub sij hawm txog txhua lub ntsiab lus ntawm Qhov kev pab cuam CLTS. Hauv qab no yog qee cov lus nug los xav txog:
 - Dab tsi ua hauj lwm zoo nyob rau hauv Qhov kev pab cuam CLTS?
 - Dab tsi tsis ua hauj lwm zoo nyob rau hauv Qhov kev pab cuam CLTS?
 - Puas muaj tej kev txhawb nqa lossis kev pab cuam ntawm Qhov kev pab cuam CLTS uas tsis meej los yog yuav tsum tau txhim kho?
 - Puas muaj lwm yam kev hloov pauv rau Qhov kev pab cuam CLTS uas peb yuav tsum xav txog?
- **Npaj txhij los teb ib daim ntawv kev soj ntsuam.** Peb yuav qhia ib lub sij hawm los sau peb daim ntawv kev soj ntsuam thiab muab koj cov tswv yim rau peb. Peb yuav siv koj cov lus qhia los sau cov kev hloov pauv rau daim ntawv tso cai kom peb tuaj yeem ua rau qhov kev pab cuam zoo tshaj plaws txij xyoo 2027 txog 2031.
- **Tos ntsoov nyeem cov kev hloov pauv ntawm daim ntawv tso cai tsab xyoo 2026.** Koj yuav pom tau tias muaj dab tsi hloov thiab tawm tswv yim thaum lub sij hawm 30-hnub rau pej xeem tawm tswv yim thiab kev sib tham nrog Pawg Neeg.

Cov ntaub ntawv qhia paub muab rau hauv tsab ntawv xov xwm no yog luam tawm raws li Social Security § 1915(c) thiab 42 C.F.R. § 440.180.

Yog xav paub ntiv, tau txais cov ntaub ntawv tshiab, los yog nyeem peb cov ntaub ntawv lub tswv yim kom paub mee ntiv, thov mus saib ntawm nplooj ntawv web CLTS Waiver Renewal ntawm dhs.wi.gov/clts/waiver/renewal.htm. ❖

Cov kev pab cuam ntawm Qhov kev pab cuam CLTS tau txais nyiaj li cas: tej uas cov tsev neeg yuav tsum paub

Thaum koj tus me nyuam xav tau kev txhawb nqa, Qhov kev pab cuam CLTS nyob ntawm no los pab. Tab sis kev nkag siab tias cov kev txhawb nqa thiab cov kev pab cuam sib txawv tau txais nyiaj li cas qee zaum yuav ua rau nyuaj siab. Ntawm no yog yam koj yuav tsum paub, thiab koj tus neeg saib xyuas kev txhawb nqa thiab kev pab cuam (SSC) ua hauj lwm nrog koj txhua kauj ruam li cas.

Koj tus me nyuam cov kev xav tau los ua ntej

Txawm hais tias nws yog ib qho cuab yeej kho mob, ib yam khoom siv, los yog ib qho kev pab txhawb nqa tshiab, koj tus SSC yeej yuav pib nrog ib lo lus nug tseem ceeb:


Koj tus me nyuam tab tom sim ua dab tsi los sis ua kom tiav dab tsi?

Kev nkag siab txog koj tus me nyuam lub homphiaj yuav pab koj pab neeg nrhiav tau txog kev daws teeb meem zoo tshaj plaws.

Peb pib nrog lub homphiaj

Nws tsis ua li cas yog tias koj twb nrhiav tau ib yam khoom los sis kev pab cuam uas koj xav tias yuav pab tau koj tus me nyuam. Koj tus SSC tseem yuav pib nrog koj tus me nyuam qhov kev xav tau lossis lub homphiaj vim tias tej zaum yuav muaj ntau tshaj ib txoj hauv kev los ua kom tiav qhov kev xav tau ntawv. Nws yog ib qho tseem ceeb uas yuav tsum tau tshawb nrhiav txhua yam kev xaiv nrog koj pab neeg vim:

- Ib yam khoom tshwj xeeb uas koj pom tej zaum yuav zoo heev, tab sis lwm qhov kev xaiv tej zaum yuav ua hauj lwm zoo dua.
- Lwm qhov kev pab cuam tej zaum twb them rau nws lawm.
- Yam khoom ntawd tej zaum yuav phee yig dua los ntawm lwm tus neeg muag khoom los sis lwm qhov chaw.
- Koj thiab koj pab neeg yuav txiav txim siab ua ke los nrhiav qhov kev txhawb nqa zoo tshaj plaws rau koj tus me nyuam.



Cov ntaub ntawv qhia paub muab rau hauv tsab ntawv xov xwm no yog luam tawm raws li Social Security § 1915(c) thiab 42 C.F.R. § 440.180.



Cov chaw muab nyiaj pab ua hauj lwm ua ke los txhawb nqa koj tus me nyuam txoj kev noj qab haus huv thiab Long-Term Care mus ntev.

Ntau yam kev txhawb nqa thiab kev pab cuam uas koj tus me nyuam xav tau tej zaum muaj los ntawm ob peb txoj kev tuav pov hwm. Koj tus SSC yuav pab koj nkag siab tias yuav tsum siv qhov chaw muab nyiaj twg ua ntej. Cov chaw muab nyiaj no muaj xws li:

- **Ntawv pov hwm:** Nov yog koj tsev neeg txoj kev tuav ntawm pov hwm mob nkeeg. Nov yog kev pov hwm uas koj yuav tau txais los ntawm koj txoj hauj lwm. Ntawv pov hwm ntiag tug feem ntau them rau cov kev pab kho mob xws li mus ntsib kws kho mob, kev kho mob, thiab cov tshuaj.
- **Medicaid (qee zaum hu ua cov kev pab cuam ntawm daim npav ForwardHealth):** Medicaid yog ib qhov kev pab cuam ntawm pov hwm mob nkeeg kev noj qab haus huv rau pej xeeb rau cov me nyuam thiab cov neeg laus uas muaj qee yam kev xav tau lossis kev xiam oob qhab. Hauv Wisconsin, koj daim npav ForwardHealth muab cai rau koj tus me nyuam nkag mus rau cov kev pab cuam access them los ntawm Medicaid, xws li mus ntsib kws kho mob, kev kho mob, thiab cov tshuaj.
- **Cov Nyiaj Pab Los Ntawm Daim Ntawv Tso Cai Medicaid rau Qhov Kev Pab Cuam CLTS:** Qhov kev pab cuam CLTS yog ib qho kev pab cuam tshwj xeeb saib xyuas Long-Term Care los ntawm Medicaid uas muab kev txhawb nqa ntxiv thiab pab koj tus me nyuam nyob hauv lawv lub zej zog.

Qhov kev pab cuam CLTS yog tus them nyiaj “kawg nkaus,” txhais tau hais tias nws tsuas yog siv tau tom qab lwm qhov chaw tau raug txiav txim siab lawm.

Kev siv nyiaj pej xeeb kom muaj lub luag hauj lwm

Qhov kev pab cuam CLTS yuav tsum ua raws li qee cov cai tswj thaum muab nyiaj pab rau kev txhawb nqa thiab kev pab cuam:

- Yog tias Medicaid them rau ib qho kev txhawb nqa lossis kev pab cuam zoo sib xws uas ua tau raws li koj tus me nyuam qhov kev xav tau, cov nyiaj los ntawm Qhov kev pab cuam CLTS tsis tuaj yeem siv los them ntau dua rau lwm hom lossis ib qho tshiab dua.
- Cov nyiaj los ntawm Qhov kev pab cuam CLTS tsis tuaj yeem siv them rau cov kev pab cuam uas twb tau them los ntawm lwm qhov kev pab cuam lawm.
- Koj tus SSC yuav tsum sau tseg tias koj tau tshawb nrhiav cov kev pab twg ua ntej siv nyiaj los ntawm Qhov kev pab cuam CLTS.

Qhov no pab kom paub tseeb tias cov nyiaj tau siv kom muaj lub luag hauj lwm, thaum tseem pab koj tus me nyuam kom tau txais yam lawv xav tau.

Cov ntaub ntawv qhia paub muab rau hauv tsab ntawv xov xwm no yog luam tawm raws li Social Security § 1915(c) thiab 42 C.F.R. § 440.180.

Koj yog ib feem ntawm txhua qhov kev txiav txim siab

Koj tsev neeg lub suab tseem ceeb. Koj tus SSC nyob ntawd los:

- Qhia rau koj paub tas li
- Piav qhia cov kev txiav txim siab thiab cov kev xaiv nyiaj txiag
- Teb cov lus nug
- Koom tes nrog koj txog cov kev daws teeb meem uas txhawb nqa koj tus me nyuam lub hom phiaj

Yog tias ib qho kev thov raug tsis kam, koj muaj cai

Yog tias ib qho kev thov rau ib yam khoom lossis kev pab cuam raug tsis kam, koj yuav tau txais ib tsab ntawv, hu ua “Daim Ntawv Ceeb Toom Txog Kev Ua Tsis Zoo,” uas piav qhia:

- Vim li cas qhov kev thov raug tsis kam
- Koj cov cai yog dab tsi
- Koj tuaj yeem nug lus los sis khaws ntaub ntawv cia thov kom muab hais dua


Thov kom muab hais dua yog ib txoj hauv kev kom paub tseeb tias txhua txoj kev xaiv tau raug tshawb nrhiav, thiab koj tus me nyuam cov kev xav tau raug txiav txim siab tag nrho. Nyeem ntxiv txog cov kev xaiv no nyob rau hauv seem hu ua **Yog koj tsis pom zoo nrog ib qho kev txiav txim siab hauv Qhov kev pab cuam CLTS** nyob rau qhov kawg ntawm tsab ntawv xov xwm no.

Qhov kev pab cuam CLTS nyob ntawm no los pab kom koj tus me nyuam loj hlob zoo

Kev tshawb nrhiav cov kev pab txhawb nqa tej zaum yuav nyuaj, tab sis koj tsis tas yuav ua ib leeg. Koj tus SSC thiab pab neeg nyob ntawm no los nrog koj taug kev, piav qhia cov kev xaiv, thiab kom paub tseeb tias txhua qhov kev txiav txim siab yog ua los xav txog qhov zoo tshaj plaws rau koj tus me nyuam. ❖

Yog koj tsis pom zoo nrog ib qho kev txiav txim siab hauv Qhov kev pab cuam CLTS

Nws yog ib txwm muaj kev tsis sib haum xeeb qee zaus. Yog tias koj tsis pom zoo nrog ib qho kev txiav txim siab them nyiaj pab yug me nyuam los sis kev pab cuam hauv Qhov kev pab cuam CLTS, lawv txoj cai tsim nyog, lossis ib tus neeg muab kev pab uas tau xaiv, koj muaj cai thov kom muab hais dua. Qhov no txhais tau hais tias koj tuaj yeem thov kom ib tug kws txiav txim plaub ntug rov tshuaj xyuas qhov kev sib txheeb.



Cov ntaub ntawv qhia paub muab rau hauv tsab ntawv xov xwm no yog luam tawm raws li Social Security § 1915(c) thiab 42 C.F.R. § 440.180.

Yog tias koj ntseeg tias muaj ib yam dab tsi raug tsis kam tab sis koj tsis tau txais Daim Ntawv Ceeb Toom Txog Kev Ua Tsis Zoo (NOA), koj tseem muaj cai tau txais ib daim. Daim NOA piav qhia qhov kev txiav txim siab thiab muab cai rau koj thov kom muab hais dua. Yog tias koj xav tias koj yuav tsum tau txais ib daim tab sis tsis tau, hais rau koj tus SSC los sis lub qhov chaw khiav hauj lwm muab kev pab cuam ntawm Qhov kev pab cuam CLTS kom xa tuaj rau koj.

Txhawm rau pib txheej txheem thov kom muab hais dua:

Xa ib daim foos thov los sis sau ib tsab ntawv. Sau ib daim foosthov kom muaj kev sib hais los yog sau ib tsab ntawv piav qhia tias vim li cas koj tsis pom zoo nrog qhov kev txiav txim siab. Nco ntsoov kos npe thiab sau hnuv tim rau qhov kev thov.

Sdaim foos ntawv los sis tsab ntawv mus rau Lub Tsev Hauj Lwm Saib Xyuas Kev Sib Hais thiab Kev Thov kom muab hais dua.

Qhov chaw nyob yog:

Lub Tsev Hauj Lwm Saib Xyuas Kev Sib Hais thiab Kev

Thov kom muab hais dua

P.O. Box 7875

Madison, WI 53707-7875

Lub Tsev Hauj Lwm Saib Xyuas Kev Sib Hais thiab Kev Thov kom muab hais dua yuav ceeb toom rau koj thaum twg hnuv rau koj qhov Lub rooj mloog kev ncaj ncees tau teem tseg.

Yog xav paub ntiv txog kev rov hais dua los sis nrhiav daim ntawv, mus saib:

doa.wi.gov/RequestAHearing

Nws yog ib qho tseem ceeb uas yuav tsum paub tias kev ua ntawv thov kom muab hais dua tsis yog ib qho phem. Nws tsuas yog ib txoj hauv kev los daws kev tsis sib haum xeeb thiab kom paub tseeb tias koj tus me nyuam cov kev xav tau raug txiav txim siab tag nrho. Txheej txheem thov kom muab hais dua nyob ntawm no los txhawb nqa koj yog tias koj xav tias ib qho kev txiav txim siab txog kev them nyiaj pab yug me nyuam thiab kev pab cuam tsis yog rau koj qhov teeb meem. ❖

Tus koom ua ke ua tus yam ntxwv: Wisconsin FACETS

Tus koom ua ke Ua Tus Yam Ntxwv yog ib qho tshwj xeeb uas rov tshwm sim hauv peb tsab ntawv xov xwm, ua kom pom qee lub koom haum uas cov tsev neeg tej zaum xav paub ntiv txog.

Wisconsin FACETS (WI FACETS) yog ib lub koom haum tsis nrhiav nyiaj uas muab kev txhawb nqa thiab kev cob qhia dawb rau cov tsev neeg ntawm cov me nyuam uas muaj kev xiam oob qhab los sis xav tias muaj kev xiam oob qhab, txij thaum yug los mus txog rau hnuv nyoog 26. Raws li Wisconsin Lub Chaw

Cov ntaub ntawv qhia paub muab rau hauv tsab ntawv xov xwm no yog luam tawm raws li Social Security § 1915(c) thiab 42 C.F.R. § 440.180.

Cob Qhia thiab Ntaub Ntawv Qhia Paub rau Niam Txiv, WI FACETS pab cov tsev neeg nkag siab txog lawv cov cai thiab muaj kev ntseeg siab dua thaum lawv txhawb nqa lawv tus me nyuam txoj kev kawm thiab kev loj hlob.

Los ntawm kev txhawb nqa ib leeg rau ib leeg, cov ntaub ntawv hauv online thiab luam tawm, thiab cov kev sib tham hauv online nyob thiab kaw tseg, WI FACETS nyob ntawm no los teb koj cov lus nug thiab txuas koj nrog cov cuab yeej uas koj xav tau.

WI FACETS txhawb nqa cov tsev neeg hauv Qhov kev pab cuam CLTS li cas

Cov tsev neeg uas tau rau npe hauv Qhov kev pab cuam CLTS feem ntau ua hauj lwm nrog ob lub tsev kawm ntawv thiab cov kev pab cuam hauv zej zog. WI FACETS tuaj yeem pab txuas cov kev paub dhau los ntawv los ntawm kev muab:

- Kev cob qhia thiab kev qhia dawb txog kev kawm tshwj xeeb ua hauj lwm li cas.
- Kev txhawb nqa los npaj rau cov rooj sib tham txog txoj kev npaj kawm ntawv rau tus kheej (IEP) lossis lwm yam kev sib tham hauv tsev kawm ntawv.
- Cov ntaub ntawv qhia paub hais txog kev daws teeb meem nrog tsev kawm ntawv thiab cov chaw muab kev pab.
- Cov chaw pab kom nkag siab txog cov cai kev kawm, kev txhawb nqa tus cwj pwm, thiab kev hloov mus rau neeg laus.
- Kev nkag mus thoob plaws lub xeev rau cov kev cob qhia uas koj tuaj yeem koom nrog nyob hauv Zoom lossis saib cov kaw tseg txhua lub sij hawm.
- Cov rooj ntaub ntawv qhia paub ntawm cov rooj nthuav qhia txog chaw pab.

Txhua yam kev pab muaj ua lus Askiv thiab lus Mev, nrog kev txhais lus rau lwm yam lus yog tias thov. WI FACETS ua hauj lwm kom txhua tsev neeg muaj kev zoo siab txais tos, paub ntaub ntawv, thiab muaj zog.

Tus koom ua ke rau yam uas tshwm sim lawm kom zoo dua

Kev nkag siab tias tsev kawm ntawv, qhov kev pab cuam hauv zej zog, thiab cov kev pab cuam kev noj qab haus huv ua hauj lwm ua ke li cas qee zaum yuav ua rau nyuaj siab. WI FACETS pab ua kom yooj yim dua los ntawm kev muab cov ntaub ntawv qhia paub thiab cov cuab yeej uas ntseeg siab tau thiab tsom rau tsev neeg.

Lawv lub hom phiaj yooj yim: pab cov tsev neeg koom tes nrog tsev kawm ntawv thiab cov neeg muab kev pab kom ntseeg tau tias muaj txiaj ntsig zoo tshaj plaws rau lawv cov me nyuam.

Xav tau kev pab lossis muaj lus nug?

Hu rau WI FACETS ntawm 877-374-0511 los tham nrog ib tus kws tshaj lij ntawm lub rooj pab.

Mus saib wifacets.org los saib cov kev cob qhia yav tom ntej, cov chaw pab rau tsev neeg, thiab cov kev sib tham hauv webinars.



Yog tias koj lossis koj tus me nyuam nyob hauv Qhov kev pab cuam CLTS thiab tab tom nrhiav kev txhawb nqa nrog cov kev pab cuam hauv tsev kawm ntawv, kev tawm suab, los sis kev npaj rau yav tom ntej, WI FACETS nyob ntawm no rau koj. ❖

Cov chaw pab muaj txiaj ntsig rau cov tsev neeg

Lub Chaw Hauj Lwm Saib Xyuas Kev Noj Qab Haus Huv ntawm Cov Me Nyuam: Daim Ntawv Qhia Txog Kev Txhawb Nqa Cov Me Nyuam Muaj Kev Xiam Oob Qhab

Lub Chaw Hauj Lwm Saib Xyuas Kev Noj Qab Haus Huv Ntawm Cov Me Nyuam tau ua tawm ib daim ntawv qhia txog yam uas peb lub xeev tab tom ua los txhawb nqa cov me nyuam uas muaj kev xiam oob qhab. Nws suav nrog cov npe ntawm tej yam uas cov neeg tsim cai, cov neeg muab kev pab, cov zej zog, tsev kawm ntawv, thiab cov niam txiv/neeg saib xyuas tuaj yeem ua los pab cov me nyuam thiab lawv tsev neeg. Download ntawm no: children.wi.gov/Documents/ResearchData/OCMH%20Fact%20Sheet_July%202024_Supporting%20Kids%20with%20Disabilities.pdf



Wisconsin Tus Tswv Xeev Tony Evers Tshaj Tawm Xyoo 2025 yog Xyoo Ntawm Tus Me Nyuam

Tswv Xeev Evers kos npe rau pob nyiaj txiaj ob tog uas txhawb nqa me nyuam: “Qhov no yog ib qho yeej rau Wisconsin cov me nyuam, tsev neeg, thiab zej zog.” Tswv Xeev Evers tshaj tawm pob nyiaj txiaj 2025-27 los ua qhov zoo tshaj plaws rau cov me nyuam thiab cov tsev neeg ua hauj lwm los ntawm kev txo cov nqi them ntawm tus kheej rau kev pab zov me nyuam thiab ntau ntxiv.



Saib tsab ntawv tso tawm ntawm no: content.govdelivery.com/accounts/WIGOV/bulletins/3e7d45c

Npaj Rau Lub Neej Ua Neeg Laus: Kev Npaj Kev Hloov Rau Cov Hluas

Cov hluas hauv kev hloov (kuj hu ua kev npaj kev hloov) yog ib txheej txheem rau cov hluas uas muaj kev xav tau kev pab kho mob huv los sis kev xiam oob qhab. Nws pab koj npaj rau koj lub neej yav tom ntej thiab hloov ntawm kev tau txais kev pab rau cov hluas mus rau kev pab rau cov neeg laus. Kev npaj kev hloov pib ntxov li thaum muaj hnub nyoo 14 xyoos.

Tau txais phau ntawv qhia 53-nplooj uas muab ntau cov ntaub ntawv ntawm dhs.wi.gov/publications/p00413a.pdf



Wisconsin Wayfinder
Children's Resource Network

Wisconsin Wayfinder pab txuas koj mus rau cov chaw pab

Cov tsev neeg feem ntau muaj ntau lo lus nug tom qab paub tias lawv tus me nyuam muaj ib lossis ntau qhov kev loj hlob qeeb, kev xiam oob qhab, kev xav tau kev saib xyuas tshwj xeeb, lossis teeb meem kev noj qab haus huv. Wisconsin muaj tsib lub Chaw Pab Rau Cov Me Nyuam hauv cheeb tsam uas mob siab rau txhawb nqa cov tsev neeg no. Cov chaw no pab ob tsev neeg thiab cov neeg muab kev pab:

- Txuas mus rau cov chaw pab hauv zej zog.
- Kawm txog thiab nrhiav kev txhawb nqa thiab kev pab.
- Tau txais cov lus teb rau cov lus nug.

Koj tuaj yeem hu tus xov tooj dawb 877-WiscWay (877-947-2929) los tham nrog ib tus neeg tiag-tiag uas yuav txuas koj nrog koj phau ntawv qhia txog chaw pab rau me nyuam.

Koj tuaj yeem mus online ntawm dhs.wi.gov/wiscway kom paub ntau ntxiv.

Cov ntaub ntawv qhia paub muab rau hauv tsab ntawv xov xwm no yog luam tawm raws li Social Security § 1915(c) thiab 42 C.F.R. § 440.180.

Koom nrog peb daim ntawv teev npe email

Sau npe kom tau txais tsab ntawv xov xwm no hauv tshuab hluav taws xob thiab lwm yam email txog Qhov kev pab cuam CLTS.

1. Mus rau dhs.wi.gov/dms/ltc-email-signup.htm.
2. Cais mus rau nqe **Cov Ntsiab Lus Ntawv Teev Npe Rau Kev Saib Xyuas Cov Me Nyuam Long-Term Care**.
3. Xaiv **Cov Ntaub Ntawv CLTS Rau Cov Tsev Neeg thiab Cov Neeg Koom**.

Qhia koj tsev neeg thiab cov phooj ywg hauv qhov kev pab cuam kom sau npe thiab!

Cov ntawv tshaj tawm yav dhau los xyoo 2025 ntawm Txhua Yam Rau Cov Me Nyuam: Qhov kev pab cuam CLTS muaj nyob ntawm: dhs.wi.gov/library/collection/AKids25. ❖

Cov ntaub ntawv qhia paub muab rau hauv tsab ntawv xov xwm no yog luam tawm raws li Social Security § 1915(c) thiab 42 C.F.R. § 440.180.

Txhua Yam Rau Cov Me Nyuam: Qhov kev pab cuam CLTS yog ib tsab ntawv xov xwm luam tawm los ntawm Wisconsin Lub Tsev Hauj Lwm Saib Xyuas Kev Noj Qab Haus Huv rau cov me nyuam thiab tsev neeg hauv Qhov kev pab cuam CLTS.

Qhov kev pab cuam CLTS muab nyiaj pab los ntawm Kev Pab Kho Mob (Medicaid) los txhawb nqa cov me nyuam uas muaj kev txwv loj vim yog kev loj hlob, lub cev, los yog muaj kev xiam oob qhab hnyav ntawm sab ntsws siab uas nyob hauv tsev los yog hauv zej zog. Cov nyiaj pab yuav siv tau los txhawb nqa ntau yam kev pab raws li kev txheeb xyuas ntawm tus me nyuam thiab tsev neeg cov kev xav tau tshwj xeeb thiab cov homphiaj los sis yam uas tshwm sim lawm. Rau cov ntaub ntawv qhia paub, mus xyuas dhs.wi.gov/children/index.htm.

Para leer este boletín en español, visite dhs.wi.gov/library/collection/AKids25.

Xav nyeem tsab ntawv xov xwm no ua Lus Hmoob, mus xyuas dhs.wi.gov/library/collection/AKids25.

Rau lwm hom lus (繁體中文, 简体中文, Deutsch, العربية, русский, 한국어, Tiếng Việt, Deutsch, ལ་སྐད་, Français, Polski, हिंदी, Shqip, Tagalog, Soomaali): 608-266-5508.

